



Samferdselsdepartementet
Postboks 8010 Dep
0030 OSLO

Dato: 27.04.2015
Vår ref.: 2014/10571-23
Saksbehandlar: thoaare
Dykkar ref.:

Belønningsmidlar - søknad om auka økonomiske rammer for 2015

Vi viser til brev frå Samferdselsdepartementet, datert 26.mars 2015, om auka økonomiske rammer for belønningsordeningen 2015. Hordaland fylkeskommune og Bergen kommune søker med dette om tildeling av ekstra belønningsmidlar 2015 for finansiering av følgjande tiltak i prioritert rekkefølge:

Prioritet	Prosjekt/tiltak	Søknad om finansiering
1.	<ul style="list-style-type: none">Styrking av kollektivtransporttilbodet i samband med innføring av tidsdifferensierte satsar i BergenYtterlegare styrking av kollektivtransporttilbodet i Bergensområdet	35 mill.kr 10 mill.kr
2.	Framkomsttiltak for Buss – Hesthaugvegen i Åsane bydel	7 mill.kr
3.	Sykkelbyavtale Bergen – styrka satsing på haldingsskapande arbeid retta mot barn og unge	2 mill.kr
4.	Tiltak etter sykkelveginspeksjon	5 mill.kr
5.	Haldeplassar og ventefacilitetar i Bergen sentrum	6 mill.kr
Sum søknad ekstrabevilgning belønningsmidlar 2015		65 mill.kr

Styrking av kollektivtilbodet i samband med innføring av tidsdifferensierte bompengesatsar

Bystyret i Bergen og fylkestinget har vedteke innføring av tidsdifferensierte bompengesatsar i bomringen i Bergen, med følgjande takstoppligg:

- mandag til fredag kl 06.30 – 09.00 og 14.30 – 16.30
- takst i rush 45 kr, utenom rush 19 kr (2015 kr)

Siktemålet er å få endeleg godkjenning i Stortinget slik at det nye takstoppliegget kan innførast 1.1.2016. Tidsdifferensierte satsar vil ha trafikkavvisande effekt, slik at kollektivtransporttilbodet må styrkast med auka kapasitet som eit alternativ til personbiltransport.

Kva område og korridorar som vil få nye reisande ved innføring av tidsdifferensierte bompengar, eller i kva grad kollektivnettet vert påverka av dette er usikkert. Det er lagt til grunn at dei strekningar og korridorar som i dag har stor trafikk og høg kollektivandel også vil få flest nye kollektivreisande. Urbanet Analyse har gjort priselastisitetsvurderinger som viser ein etterspørseffekt etter innføring av tidsdifferensierte takstar i bomringen, på mellom 2,7 og 5,2%.

Analysar av kapasiteten i dagens kollektivtransporttilbod syner at ein vesentleg del av linjenettet har nådd eit beleggsnivå som er kritisk med omsyn til vekst i talet på reisande i rush. Blant desse linjene er fleire av bystamlinjene inklusiv Bybanen, samt tunge bylinjer og linjer i hovudkorridorane mellom Bergen sentrum og regionsentra rundt Bergen. Passasjervekst på desse linjene vil medføre kapasitetsoverskriding i den tyngste rushtida. I tillegg vil fleire linjer komme opp mot det ein må vurdere som kritisk kapasitet. Alle desse linjene vil ha svært avgrensa moglegheit til å ta i mot fleire nye reisande utan at ein aukar ruteproduksjonen i form av suppleringar (fleire bussar til å køyre same avgang) eller auka frekvens. Auka kapasitet i rush vil såleis innebere at ein treng fleire bussar inn i produksjonen på mange av dagens busslinjer.

Det er som omtalt usikkert kor stor etterspurnaden etter kollektivtransport vil bli, og nøyaktig kor i linjenettet det vert flest nye reisande. Generelt vil det vere grunn til å dimensjonere tilbodet noko i overkant, slik at tilpassing av tilbodet vil kunne skje raskare etter kvart som ein hentar erfaringar med dei ny bompengeretakstane. I tillegg vil auka kapasitet, og betre plass på bussane, i seg sjølv gi ein etterspurnadsgevinst.

Under er det sett opp to ulike nivå for kapasitetsaukande tiltak, der nivå 1 er eit minimumsnivå for å kunne betjene nye kollektivreisande i rushperioden på kritiske strekningar. I Alternativ 2 er det lagt til auka kapasitet også utanom rush på dei same strekningane. Med raskt tilslagn om midlar vil begge desse alternativa vere mogleg å verksette frå 01.01.2016.

Nivå 1 Kun auke i rushperioden:

- Auka frekvens, supplering på enkelte avganger på utvalde linjer
- Kring 80 nye avganger totalt i rush morgen og ettermiddag
- I tal nye bussar vil det gi eit behov på om lag 20 stykk
- Total kostnad drift pr år om lag 15 MNOK

Nivå 2 Nivå 1 + auka kapasitet ut over rush på tilsvarende utval strekningar/linjer:

- Auka frekvens gjennom heile dagen/utvida rushperiode ettermiddag
- Kring 300 nye avganger
- Om lag tilsvarende behov for nye bussar som for alternativ 1
- Total kostnad drift pr år om lag 35 MNOK

Ved å auke kapasiteten ut over rushperioden, vil ei få ein betre utnytting av vognmateriell og sjåførkorps. For å trekke til seg fleire kollektivreisande er det også avgjerande å kunne tilby eit høgt frekvent tilbod heile dagen, og eit samanhengende kollektivnett som gir føreseielege, raske og effektive reiser. Tilbodet må vere attraktivt også ut over rushperioden for at fleire skal velje kollektivtransport både til arbeid, skole, tenestetilbod og fritidsaktivitetar. Erfaringar viser at ein skapar større etterspurnad ved å auke frekvensen ut over rush enn styrking kun i rushperiodane.

Ytterlegare styrking av kollektivtransporttilboden i Bergensområdet

Omtalt målretta styrking av kollektivtransporttilboden vil vere nødvendig i samband med innføring av tidsdifferensierte takstar i bomringen i Bergen og forventa auka passasjervekst. Dette er tiltak som kjem i tillegg til styrking av kollektivtransporttilboden som er tenkt finansiert med belønningsmidlar slik det framgår i den ordinære søknaden for perioden 2015-2018. Med tidleg tilslagn om ekstramidlar vil det også vere mulig med ytterlegare styrking også av andre deler av kollektivtransporttilboden frå 1.1.2016.

- Auke kapasiteten i stamlinjenettet, inklusiv bybanen
- Auke kapasiteten i tverrgåande linjer med høg belasting
- Auke kapasiteten i korridorane mellom Bergen og kommunane i Bergensområdet

Framkomsttiltak for buss – Hesthaugvegen i Åsane bydel

Bussar retning aust på Fv 240 Hesthaugvegen har i dag dårleg og lite føreseieleg framkomst inn mot Åsane terminal. Fleire sentrale busslinjer kører denne traseen. Det er derfor planlagt å etablere kollektivfelt frå rundkøring vest for Åsane terminal og fram mot rundkøring ved innkøring til terminalen. Kollektivfeltet i Hesthaugvegen kan etablerast innanfor eksisterande vegareal.

Sykkelbyavtale Bergen – styrka satsing på haldningsskapande arbeid retta mot barn og unge

I Sykkelbyavtale for Bergen, er det lagt opp til ei forpliktande satsing på å auke sykkelbruken m.a gjennom kampanjar og haldningsskapande arbeid. Ei viktig målgruppe for dette arbeidet vil vere barn og unge. Ut over det som er planlagte aktivitetar vil det vere aktuelt å styrke innsatsen spesielt mot denne målgruppa.

Tiltak etter sykkelinspeksjon på fylkesvegnettet

For å betre framkomst og tryggleik for syklistar, blir det gjennomført inspeksjon av sykkelvegnettet for å avdekke behov for mindre tiltak eller punktutbetring. For oppfølging av tiltakslistar blir det søkt om midlar til fysisk gjennomføring av aktuelle midre tiltak og punktutbetring for å betre framkomst og tryggleik for syklistar på fylkesvegnettet i Bergen.

Haldeplassar og ventefacilitetar i Bergen sentrum

Snøggbåtrutene i Bergensområdet går til Strandkaien i Bergen sentrum, og er ein del av det samla kollektivtransporttilbodet mellom Bergen og Askøy/Nordhordland. På avgangane i rushtida er det mange reisande, og desse har i dag ikkje tilfredsstilande ventefacilitetar på kaiområdet. Det er derfor behov for raskt å finne ei løysing på dette som vil kunne gjøre reisene med snøggbåt meir attraktiv.

I Bergen sentrum er det fleire sentrale busstopp med eit betydeleg antal bussbevegelsar. Det er eit stort behov for oppgradering til universell utforming, nye leskur og tiltak for å betre informasjon til passasjerane. I første omgang er det aktuelt å sett i verk slik oppgradering og standardheving på dei høgtrafikerte haldeplassane i Chistiesgate og Allehelgensgate. Det er sett i gang prosjektering med siktemål om oppstart i 2015.

Skyss gjennomfører i dag eit miljøprosjekt med to 24 m gasshybrid bussar på linje 9 mellom Bergen sentrum og Kronstad. I samband med etablering av haldeplass for desse bussane på utsida av Bergen Busstasjon Sør, må det i tillegg utførast trafikktryggleikstiltak for mjuke trafikantar. Tiltaket vil bli gjennomført med Hordaland fylkeskommune som byggherre.

Vi håper på ei rask og positiv tilbakemelding på denne søknaden om ekstra belønningsmidlar 2015 og søknaden om ny belønningsavtale 2015-2018. Til slutt vil vi understreke at eventuelt auka tildelte belønningsmidler i 2015 også må videreførast som ein auke i søknaden for belønningsavtale for heile perioden 2015-2018. Spørsmålet om vidare langsiktig finansiering av drift av kollektivtransporttilbodet vil bli avklart i samband med forhandlingane om bymiljøavtale for Bergen.

Søknaden er forelagt Bergen kommune og fått politisk tilslutning. I Hordaland fylkeskommune vil søknaden bli lagt fram for handsaming på møte i fylkesutvalet, 19.mai 2015. Vi må derfor ta atterhald om vedtak og eventuelle endringar i søknaden.

Rune Haugsdal
fylkesrådmann

Håkon Rasmussen
fylkesdirektør samferdsel

Brevet er godkjent elektronisk og har derfor ingen underskrift.